

了翁上座請大德及有  
家書送之武州紫雲山  
我微矣塔院庖廚中未  
為學字者不敢許出院附  
富山二世鐵上機謹識

C40-4514



B 64853

浄土資糧全集 前集  
桐邑浄業弟子荘廣還輯





西方淨土圖 一名極樂世界亦云安養亦云安樂亦云清泰亦云妙意總名淨土


9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8



10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8



海寧沈時衞沐手拜馬  

附中峯大師懷淨土詩


詳見往生章  
 畧舉尊宿中

七重密覆真珠網。三級平鋪瑪瑙堦。安養樂  
 師悲願切。遙伸金臂接人來。

藕池無日不華開。四色光明映寶臺。金臂遙  
 伸垂念切。衆生何事不思來。

七重行樹影交加。晝夜開敷白藕華。佛手自  
 來避不得。衆生何事覓無涯。

鸚鵡頻伽遶樹鳴。好音和雅正堪聽。慇懃不



斷緣何事。曲為勞生昧已靈。

六時不斷雨天華。風味新奇孰有加。清旦滿  
盛衣。戒裏歸來重獻佛。架梁。

世界何緣稱極樂。只因衆苦不能侵。道人若  
要尋歸路。但向塵中了自心。

十萬餘程不隔塵。休將迷悟自疎親。刹那念  
盡恒沙佛。便是蓮華國裏人。

附西齋禪師懷淨上詩

諱梵琦字楚石  
詳見徃生集

將祭法會禮金僊。漸逐香風出寶蓮。紅肉髻  
光流不盡。紫金身相照無邊。重重烟樹垂平  
地。一一華臺接遠天。諸佛界中希有事。了如  
明鏡現吾前。

遙指家鄉落日邊。一條歸路直如絃。空中韻  
奏般般樂。水上華開朵朵蓮。樵樹枝莖成百  
寶。羣居服食勝諸天。吾師有願當垂接。不枉  
翹勤五十年。

一朶蓮含一聖胎。一生功就一華開。稱身瓊  
瑤隨心現。盈器酥醪逐念來。金殿有光含日  
月。玉樓無地著塵埃。法王為我譚真諦。直得  
虛空笑滿腮。  
池上藕華花上人。佛光未照紫金身。更聞妙  
法除心垢。盡救迷情出苦輪。舉步遍遊塵點  
國。利生終滿涅槃因。娑婆界上光陰短。極樂  
知經幾劫春。

放下身心佛現前。尋常盈耳法音宣。風柯但  
奏無生曲。日觀長開不夜天。行趨玉階雲冉冉。  
再坐依珠樹。月娟娟。允夫到此皆成聖。不歷  
僧祇大果圓。  
珠王宮殿玉園林。坐卧經行地是金。舍利時  
時宣妙響。頻伽歷歷奏僊音。返聞頓悟無生  
理。常住周圓不動心。觸目皆為清淨土。來從  
曠劫到如今。

一寸光陰一寸金。勸君念佛早回心。直饒鳳閣龍樓貴。難免雞皮鶴髮侵。鼎內香烟初未散。空中法駕已遙臨。塵塵刹刹雖清淨。獨有彌陀願力深。

選謹按二師之詩雖多。不過稱贊勸勉二義。今所述者雖七首。二義備矣。如中峯之前五首。所以讚淨土之勝。第六首。勉人以了自心。何以了自心。非念佛不能也。故第

七首。勸人以念佛。如西齋之前五首。亦讚淨土之勝。第六首。勉人以悟無生。何以悟無生。非念佛不能也。故第七首。勸人以念佛。此選纂述二詩之意也。俾淨業之士。功課之餘。咏嘆淫佚。意洽義融。有不手舞而足蹈者乎。往生資糧。造端於此矣。



9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

淨土資糧前集

後集

淨土資糧全集序  
莊居士集古今淨土經論擇要語類  
編之而間附以己意既成帙踵門而  
告予曰茲淨土資糧全集也說者謂  
淨土著述簡冊相望蓋篋有餘資囊  
有餘糧矣復何藉此予曰不然今夫  
遊萬里外未聞厭資糧之多者是故

淨土資糧全集序

莊居士集古今淨土經論擇要語類  
編之而間附以己意既成帙踵門而  
告予曰茲淨土資糧全集也說者謂  
淨土著述簡冊相望蓋篋有餘資囊  
有餘糧矣復何藉此予曰不然今夫  
遊萬里外未聞厭資糧之多者是故

淨土資糧前集

後集

旅途而遭困乏。則文錢斗金。粒米廩粟。况夫以百千劫未歸之窮子。適十萬億難至之寶邦。何嫌乎功德法財之殷且富。披輿圖。問道路之頻煩。耶殊鄉僻邑。購一經一論。不勝其艱。使是編廣布。人得而讀之。一代時教。粗知其大端矣。雖然。不挾文錢。不齎粒

米。如念頃。生極樂國。世寧無是人乎。如是人前。說如是編。誠為贅語。苟不盡然。是編與淨土諸書並行。安知其無補云。

大明萬曆歲次甲午春正月吉日雲

棲株宏識

還謹按不挾文錢不費粒米之說。或者疑之謂五臺居士則曰頓漸二門皆必藉於資糧。今蓮師所云不侔何也。予曰蓮師所指上智之人也。上智之資糧。生知安行者也。豈復藉於此集乎。今曰挾曰費。是有執持力守之意。學知利行事也。豈可以語上智乎。故曰不挾文錢不費粒米。非真無資糧之謂。讀者不以辭害意可也。

淨土資糧全集序

歸元直指云。欲生淨土。須辦資糧。夫淨土一途。誠出世捷徑。

釋迦慈尊。最大方便。特為拈出。及覆囑示。不啻三令五申。而古來萬聖千賢。讚歎垂訓。如出一口。未教衆生。欲超生死。舍淨土之外。更覓何處往生。

淨土資糧前集  
卷之二  
一  
哉。第淨土之遊。窮子豈能垂橐徒往。  
雖有頓漸二門。皆必藉于資糧。一念  
頓生者。辟諸大局幹人。萬斛之裝。咄  
嗟可辦。漸機之士。辟諸材力綿寡。斗  
儲升積。假以歲月。世鮮上智。資糧殆  
不可不預講也。資糧者何。曰信。曰願。  
曰行。是已。此三者。能于二六時中預

辦。則出門隨用隨足。雖歷恒河沙刹  
土。六無艱難困苦。況十萬億之淨土  
耶。吾友蓮池禪師。得佛心印。弘法東  
南。所接學人。不論根器利鈍。俱孜孜  
以淨土為言。而其高足莊居士。恐枵  
腹西行者。勢難前進。乃手集一書。而  
三刻之。特為漸機同志。設大緣法。其

終刻者。名曰淨土資糧全集。蓋取歸元直指之意而廣演之也。余觀其大較。不出所謂信向願力戒行三者。而蒐稽往事。博採格言。比之厚積富藏。幾于千斯倉。萬斯箱矣。慕樂邦者。循此以往。何安養之不可得哉。慨自唯心淨土之旨。不明于世。好異者。往往

若禪那而薄往生。蓮池禪師既導其迷津。居士此錄。復資其利涉。隱然西方聖人。度盡衆生。方登正覺之遺意也。淨名經謂法施大于財施。居士以往生法作資糧。廣施法界。即用三千大千七寶布施功德。寧復過此。蓋不持善承蓮池師之志。而六洙報。

釋迦慈尊之恩矣。有事淨土者。尚無  
忘居士嘉惠之心乎。居士名廣還。字  
復真。端雅有道之士也。  
明萬曆歲次乙未春三月十日當湖  
五臺居士陸光祖識



淨土資糧全集自叙

天下事。有定於命。而幾非在我者。不可以俸  
致。有出於天。而作不由人者。不可以強求。識  
此。而予之終身可知。予之得師為不偶矣。予  
少承儒業。未幾以母疾學醫。二者兼之。殆二  
十餘載。奈數奇不偶。四十無聞。猶夫人也。遂  
棄其所學。而從事於玄。率之口訣無傳。幾成  
奇疾。乃喟然曰。獨不能為天地間一閒人乎。

淨土法苑珠林卷之三  
師  
逐構小園。栽花壘石。日吟咏。偃息於其間。每  
見花榮花悴。條爾成空。因悟盈虛消息。物理  
然也。吾獨非物乎。他日亦當如是。即毀園閉  
戶。習靜求禪。取金剛諸經而誦之。至萬曆乙  
酉。泛舟武林。旅遇一翁。見予作佛語。遽問曰。  
子學佛。誰所師。對曰未也。乃曰吾聞雲棲有  
蓮池禪師者。聲稱洽乎於茲。有年矣。盍往師之。  
且柳宗元與李睦州服氣書。不可不讀。言訖。

別去。莫知其為誰也。予歎曰。服氣書。予少時  
所讀。今為寇公之霍光傳矣。其教我甚殷。烏  
容負。遂徒步雲棲。扣關謁

師。師欣然攝納。教以淨業。授以五戒。名以廣還。  
溫。溫若素相知者。臨別請益。

師曰。擇典充棟。何以教子。約而言之。見性其體  
也。度生其用也。文殊謂修行莫如念佛。正今  
日之急務。子其勉之。還敬受而歸。日課阿彌

陀佛五萬聲。不遑暇食。未半暮而此心寤然。  
恍若有得。因思執此以往。見性無難。但生何  
以度。忽記金剛經有曰。以七寶布施。不若以  
四句偈等。為人解脫。其福勝彼。言法施愈於  
財施明矣。還不自揣。遂閱淨土經論。掇其要  
語。分門別類。始以往生定其趨。次以起信迴  
其向。又以誓願決其志。乃以齋戒成其德。日  
課達其材。終以兼禪詣其極。分為六卷。名曰

淨土資糧。既梓行矣。復加補輯。更名全集。就  
正於

師。師曰。非此無以度生。遂重為之校。因乞一言  
弁諸首。

師唯唯。更授以菩薩戒而歸。中道俛而思。仰而  
噓。忽忽如喪神守。舟人恠之。中有一客問予  
曰。奚自。予曰。自雲棲。因具道前緣。客曰。得受  
戒。則念佛不虛。見性之道也。正資糧。則法施



有具。度生之端也。二者足以自慰。而先生似有隱憂。何居。予曰。吾追憶往時。始以儒而兼以醫。繼以玄。而又更以閒。一無成而鬢絲矣。設使當時舍此數端。而早以學釋。則今日之造就。殆未可量。顧不為此而為彼。老大徒傷悲耳。客笑曰。先生悞矣。非儒無以識佛之理。非醫無以達佛之心。非玄無以肇佛之寂。非閒無以築佛之基。先生殆藉是數者以學釋。

不以為幸而反以為悲。何也。雖然。未也。設使儒而用世。則爵祿縻其身。醫而大行。則貨利溷其志。玄得口訣。則他岐迷其往。閒不反觀。則草木同其一腐。求為淨土之資糧。烏可得哉。先生以此數者。啓佛之機。而終不以此數者為佛之障。其殆定於命而不移於我。由於天而不參以人者乎。先生殆有出世之緣。而非強求偉致者也。予起謝曰。客所言誠為確。


論。但知其一。未知其二。予之終身經歷。命矣  
天矣。今之以教立命。而不委於命。盡人合天  
而不任於天者。伊誰之功。噫。其資糧之全集  
乎。非  
蓮師之啟迪。何以有此。然而究其所以。亦莫非  
命也。天也。不然。曩時之旅。卽邂逅。指教慇懃  
若或遣之。以告予者。豈無故哉。於是而知吾  
之得

師為不偶。吾之見性度生。為有受。而非若服氣  
書之云云矣。昔河汾王氏有言曰。通於夫子  
受罔極之恩。還於

蓮師亦云。客瞿然曰。予鄙人。不足以此。先生  
可謂知本矣。請敘其說以識。

大明萬曆歲次庚子春正月穀旦菩薩戒弟子

八十翁復直莊廣還謹識





法。千科萬徑。莫可具陳。誠有如蓮池禪師所  
云者。師於是懼佛法之將衰。為中流之砥柱。  
主張淨土。開刹雲棲。聲稱洽乎於茲。三十餘  
年矣。但師教雖共。由於通邑大都。而或間隔  
於殊鄉僻地。雖流行於叢林蘭若。而或阻滯  
於閭巷村居。師盖有不勝其憫者。還雖不材。  
忝列弟子。斯道污隆。與有責焉。固知涓滴無  
補於江河。亦以借光可破諸幽暗。遂忘固陋。

輯此資糧。集羣經之要言。會諸師之確論。分  
門別類。比事屬辭。既正於師。復辨諸友。稿凡  
三易。全集乃成。誠往生之捷法。出世之要典  
也。若藏諸篋。而不廣其傳。固非普度眾生之  
意。專於已。而不兼乎衆。又非善與人同之心。  
重興鋟梓之工。再循募緣之例。或多助。或寡  
助。既同植往生之勝因。或出家。或在家。必同  
證往生之勝果。盖以資糧一具。衆善攸歸。上

可以隆出世之佛法。下可以遏邪說之橫流。遠可以續廬山之正傳。近可以廣雲棲之聲教。皆一善念為之造端也。具此功德。往生何疑。所謂春種一粒粟。秋收萬顆子者。古人之言。豈欺我哉。噫。四方清信士女。當知予言之非妄矣。尚其圖之。

大明萬曆歲次己亥秋八月吉旦。莊廣還謹疏。  
還謹按蓮師偽造五部之說。或者疑之。謂

五部之書為羅教。羅號悟空老人。既曰悟空。是得金剛般若之義。而以為偽造。何也。予曰。汝獨不聞僧肇之論乎。論云。性空者。謂諸法實相也。實相者。言不有不無。不有不無者。不如。有見常見之有。和見斷見之無耳。若以有為有。則以無為無。有既。不有。則無無也。夫不存無。以觀法者。可謂識法實相矣。今五部之書。雖不若有見常見之

淨土齋精前集  
有。不免墮於邪見。斷見之無。與諸法實相。  
邪正懸隔。般若之義。果如是乎。謂之偽造。  
非耶。今人多宗是書。殆未明乎此耳。



淨土資糧全集目錄

前集

西方淨土圖

附懷淨土詩一十四首

資糧全集序

三篇自叙一篇

募刻資糧全集疏

資糧全集目錄

纂輯資糧大意

卷之一

淨土往生章

有圖

三聖因地篇

願偈攝生篇

諸聖同歸篇

三九往生篇

往生勝相篇

往生勝果篇

卷之二

淨土起信章

有圖

大阿彌陀經疑城胎生分

淨土指歸論十種信心

龍舒王居士淨土起信文

永明壽禪師戒人勿輕淨土文

丞相鄭清之勸修淨土文

雲棲蓮池禪師淨土疑辯

附論因果篇

總論因果

論十業善報

論十業惡報

卷之三

淨土誓願章

有圖

論淨業人宜發願

西方願文

論發願人宜發誓 西方誓文

卷之四

淨土齋戒章 有圖

總論齋戒

持齋篇

總論持齋

持齋四事圖

論不食肉

論不飲酒

論不姪慾

論不食五辛

短齋圖說

持戒篇

總論持戒

身三業圖說

論不殺生

附放生

論不偷盜

附弭盜

論不邪淫

俱有迴向文

口四業圖說



論不妄言 有迴向文 論不綺語

論不兩舌 攝下三業 論不惡口

意三業圖說

論不貪欲 論不嗔恨

論不邪見 俱有迴向文

意三業二偈

附十業自考圖式

卷之五

淨土日課章 有圖

六時對越篇

佛說阿彌陀經 往生真言

讚佛偈 念佛隨願 迴向文 禮佛隨願

六時念佛篇

論念佛正因 論念佛持法

論念佛勝利 論臨終念佛

六時觀想篇

論一心三觀

論觀想白毫

論十六觀想

論帝網無盡觀

論臨睡觀想 并願文

附情想篇

附六齋日加課篇 兼十齋日

禮三寶法

三祝願法

廻向十業戒

持誦大乘經典

卷之六

淨土蕪禪章 有圖二

論淨土禪宗

豫行篇

正修篇

攝心念佛法

數息念佛法

察究念佛法

實相念佛法

調和篇 附六種料揀

明宗篇上

明宗篇下

附禦魔法

後集

淨土資糧全集後序 一篇

淨土資糧全集跋 一篇

直音畧訓 全卷

復真居士像圖

復真居士像贊

復真居士像記

復真居士像說

復真四偈

目錄

纂輯資糧全集大意

一 歸元直指曰欲生淨土須辦資糧何謂資糧

信願行三字也三字具足淨土必生今

此書有往生章起信章信也誓願章願也

齋戒章日課章兼禪章行也三者已備故

曰淨土資糧噫未能自利先欲利人者善

薩發心故不忍獨善其身心懷兼利也兼

利之道弘法為先此資糧之所以作歟

一或問君子明道不計功。今開卷未覩資糧之說。而先閱往生之圖。無乃落其計功之心乎。曰不然。智者大師云。先以欲鉤牽。後令入佛道。又云。由因感果。應先因而後果。今教門引物為便。故皆先果而後因。由此二說觀之。則是圖之作。乃教化度脫之有機。潛乎默導之微權也。計功云乎哉。

一古云知止而后有定。故先之以淨土往生。

知止矣。而無信心。則佛法如海。其何能入。故繼之以起信。向善矣。而無決定心。不能退轉乎。故繼之以普願。既決定矣。而不能動心忍性。何以修行。故繼之以齋戒。既齋戒矣。而無程規。何所從事乎。故繼之以日課。又不有所謂最上乘。而為修行第一義者乎。此明心見性之功。所當顧諟而不可須臾離者也。故以無禪篇終焉。

一或問蕪禪見性篇。既為修行第一義。何不冠於卷首。而乃置於卷末乎。曰。法華經已言之矣。經云。初說三乘。引導衆生。然後但以大乘而度脫之。若驟語以心性之說。則扞格不入。有不駭而逃焉者。幾希矣。噫。其竊取法華之意乎。

一經文本不當去取。但此書既別類分門。則纂輯不得不尋章摘句。勢使之然也。或云

昔昭明分金剛經為分數。尚嬰重罪。今子襍引諸經。支離甚矣。罪當何如。予曰。不然。昭明之得罪。分拆全經故耳。今予之引經語。即金剛經所謂以四句偈等。為人解說之意。於全經固無損也。何罪之有。况蓮師諸聖同歸篇。亦雜引諸經者。豈蓮師不足法歟。或人色報而退。

一或問淨土經論甚多。子所引證。不過數部。

數集而已。恐所遺者尚多也。予曰。子獨不聞黃檗之言乎。言今人只欲多知多解。廣求文義。嗔作修行。不知知解不消。翻成壅塞。盡向生滅中取。真如之中。都無此事。三乘學道人。俱是此樣。予恐淨業之士。亦罹此病。故不敢泛及耳。

一經論之後。間附己意。非敢於續貂。蓋以書不盡言。言不盡意。初學讀之。恐不知其旨。

趣。故以己意時發揚之。所以啓初學。非敢為高明者道也。

一或問考證之設。皆人所共知者。似亦為贅。曰不然。初學者。經論未諳。檢閱甚難。此書本為便初學。非為老師宿儒也。何得為贅。一或問明宗篇多隱語。既為初學。何不發明。寧非缺典耶。予曰。達觀禪師不云乎。纔涉唇吻。便落意思。盡是死門。終非活路。若之。

何發明之。或人有省。乃喟然曰。吾誠門外漢也。

一或問前有往生圖矣。後復有必生圖。豈不為贅。予曰。不然。前之往生圖。所以欣動行人之心。欲生彼淨土。須辦此淨業。俾其慕果。修因。如諺之所謂臨淵羨魚。不如退而結網之意也。後之必生圖。所以贊美行人之功。既辦此淨業。必生彼淨土。是謂修因。

證果。如經之所謂舟筏具。而速登彼岸者。是也。其往生雖同。立義則異。烏得為贅。

一經典頂格書之。古今傳論。則低一字。而膚說又低一字。乃士希賢。賢希聖。雖位殊品別。思齊義也。又如父而子。子而孫。實交叅共濟。圓融義也。

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

淨土資糧全集

桐邑清信士夏萬鑑楷書  
淨土資糧全集一部登梓

淨土資糧全集 前集終

淨土資糧全集卷之一

古杭雲棲寺蓮池禪師袞宏校正

樵李桐邑淨業弟子莊廣還輯

淨土往生章 西方淨土極樂世界也

考證 疏鈔云。十方世界。皆有淨土。何為獨示西方。良由心無二用。功成難施。上

都儀云。歸命三寶。要指方立相。住心取境。以凡夫繫心。尚乃不得。况離相耶。故偏指

西方者。定趨向故。西方偏指極樂者。不止於無若有樂。如隨願往生。經云。佛國無量

專求極樂者何。一以因勝。十念為因。即得往生。故一以緣勝。四十八願。普度衆生。故

淨土資糧全集卷一

往生章



三聖因地篇

阿彌陀佛因地

悲華經曰。往昔有轉輪王。名無諍念。王四天下。王有大臣。名曰寶海。生一子。出家成佛。號寶藏。如來。王請佛供養。佛入三昧。放大光明。現十方世界。或淨或穢。王白佛言。何故世界有淨有不淨。佛言。菩薩以願力故。取清淨土。復有菩薩以願力故。取不淨國。王言。我今發願。願成佛時。國

中無三惡道。皆真金色。種種莊嚴。佛告王言。汝於西方。過一恒河沙阿僧祇劫。是時世界。轉名安樂。汝當作佛。號無量壽。如來。

考證四天下

即四洲也。

菩薩願力

悲華經曰。往昔劫中有轉

輪王。名無諍念。大臣寶海。為善知識。同於寶藏。佛所發菩提心。輪王發願云。我作佛時。在於清淨安樂世界。攝受一切衆生。大脫度。一切衆生。無諍念王。者。阿彌陀佛是也。寶海大臣者。釋迦牟尼佛是也。以此君臣道。合名為折攝二門。淨土或問曰。兩土聖人。示居淨穢。以折攝二門調服衆生。

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

此以微以苦以促以多魔惱而折之俾知

所厭彼以淨以樂以延以不退轉而攝之

俾知所欣即厭且欣可不淨國即今五濁惡世也

阿僧祇劫佛祖統紀要畧曰初閻淨提

人八萬四千歲身長八丈四尺凡過百歲

身減一寸如是減至十歲身長一尺則減

劫極耳以後復入增劫凡過百年命增一

歲身增一寸如是增至八萬四千歲身長

共計一千六百萬年名一轉輪劫今當第九

減劫今人只可六尺壽六十也一轉輪劫前

遇小三灾勿兵瘟疫凶荒也至二十轉輪

滿則壞劫到來遇大灾水火風起大地

天宮俱壞大灾之後入成劫凡十方三世一

切世界皆悉具此四種相劫謂成住壞空

也成而即住住而續壞壞而又空空而又

成八十轉輪總計一十三萬四千四百萬

年為始終之極數此名小劫曠大劫來世

界成壞不可

盡窮者也

鼓音王經曰過去劫中有國名妙喜王名憍尸

迦祖父清泰國王父月上轉輪王母殊勝妙顏

生三子長白月明次曰憍尸迦三曰帝衆時有

一佛出世名曰世自在王憍尸迦心發道意棄

捨國位投佛出家號曰法藏比丘廣發四十八

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

願若不爾者誓不成佛。是時大地震動。天雨妙華。空中同聲讚言決定成佛。

【考證】

疏鈔云。阿彌陀佛因地。不但如上二來時。十六王子出家。常樂說是法華經。後悉成佛。第九王子。今阿彌陀佛是。大乘方等總持經云。無垢焰稱起王如來時。有淨比丘。總持諸經。十四億部。隨衆生願。賢廣為說法。彼比丘者。今阿彌陀佛是。三賢劫經云。雲雷吼如來時。有王子名淨福賢。衆音供養彼佛。彼王子者。今阿彌陀佛是。四。彼經又云。金龍法光佛時。有法師名無量寶音行。力弘經法。彼法師者。今阿彌陀佛是。五。觀佛三昧第九經云。空王佛時。有

四比丘。煩惱覆心。空中教令觀佛。遂得念佛三昧。彼第三比丘。今阿彌陀佛是。六。如幻三摩地。無量印法門經云。獅子遊戲金光如來時。有國王名勝威尊。奉供養彼佛。修禪定行。彼國王者。今阿彌陀佛是。一向出生菩薩經云。昔有太子。聞此微妙法門。奉持精進。復教化八千萬億人。得不退轉。彼太子者。今阿彌陀佛是。已上累舉數端。若其多劫。多因。亦應無量。

大阿彌陀經曰。佛言爾時。法藏比丘發斯弘誓。於是住真實慧。勇猛精進。修習無量功德。以莊嚴其國。功德圓滿。威神熾盛。方得成就所願。而

入佛位

**考證**

龍舒淨土文曰。法藏發此願已。乃精進以了生死。次入菩薩地。了生死者。乃生死自如也。入菩薩地者。內則修慧。外則修福也。修慧者。使慧性日廣。於一日。至成佛時。則慧性含虛空世界。無所不知。無所不見也。修福者。乃託生於一切眾生中。同其形體。同其言語。以設教化。夫設化眾生者。無非得福也。得福而不受用。故其福愈積而愈大。福大則威神大。是以威神無所不可。方得成就所願而入佛位。

佛說阿彌陀經曰。爾時佛告長老舍利弗。從是西方過十萬億佛土。有世界名曰極樂。其土有

佛號阿彌陀。今現在說法

疏云。萬里百城。為叅知識。梯山航海。云禮道場。豈可萬德如來。現在說法。漠然不顧。甘墮城東。是則名為可憐憫者。

**考證**

鈔云。萬里者。僧問大隨。切火洞然。未審這箇壞不壞。答云。壞。僧云。恁麼則隨他去也。答云。隨他去。僧疑不決。往還萬里。廣叅知識。始得大悟。百城者。善財南遊百一十城。叅五十三善知識。引此以况阿彌陀佛。是最上知識也。梯山航海。如峨嵋普陀等。引此以况西方極樂世界。是毘盧道場也。然古之跋涉。蓋為親炙聖賢。今日

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

卷之七

卷之七

五

奔馳。祇是遙瞻影像。而且徭經險阻。不憚  
劬勞。何得現在慈尊。捨之不往。城東老母  
與佛同生。而不見佛。非此之流耶。過未之  
佛勢所難逢。現在空過。故可憐憫。

### 觀世音菩薩大勢至菩薩因地

悲華經曰。爾時寶藏如來。復告第一不眴太子。

即前轉輪王太子也。今當號汝為觀世音。無量壽佛般洹

槃後當成佛道。號普光功德山王如來。又告第

二尼摩太子。次當作佛。號善住功德寶王如來。

汝以願力取清淨土。復號汝為大勢至。

### 考證 湮槃

正訛集曰。梵語湮槃。此云寂滅。

是無生無滅。無去無來。真常獨露。苦樂雙亡。故曰寂滅。為樂之極。何世上乃知認。為

明常寂照。正明既畢。示同凡滅。使知萬物

死耶。唯是化緣。既畢。示同凡滅。使知萬物

無常。莫生貪著耳。肇論曰。湮槃之為道

也。寂寥虛曠。不可以形名得。微妙無相。不

可以有。心知起羣。有以幽昇。量太虛。而永

久。經論曰。湮槃非有。亦復非無。言語道斷。心行處滅。尋夫經論之作。豈虛構哉。果有其所。以不有。故無耳。何者。本之有境。則五陰永滅。推之無。而幽靈不竭。幽靈不竭。則抱一湛然。五陰永滅。則萬累多捐。萬累多捐。故與道通。洞抱一湛然。故神而無功。

百法論集卷一

性世章

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

淨土寶藏集卷一

後

神而無功。故至功常存。與道通洞。故冲而不改。冲而不改。故不可為有。至功常存。故不可為無。斯乃希夷之境。太玄之鄉。而欲以有無語其神道者。不亦遜哉。

大阿彌陀經曰。佛言。彼佛至般泥洹時。觀世音菩薩。乃當作佛。掌握化權。教化度脫十方世界諸天人。民。以至蚰飛蠕動之類。皆令得泥洹之道。轉相教化度脫。一如大師阿彌陀佛。無有窮極。復住無央數劫。乃般泥洹。其次大勢至作佛。掌握化權。教化度脫。一如阿彌陀佛。經歷劫數。

### 永無般泥洹時

#### 考證泥洹

肇論曰。泥洹。涅槃。此二名前後異出。蓋是楚夏不同耳。云涅槃。音正也。梵語泥洹。涅槃者。秦言無為。亦名滅度。無為者。取乎虛無寂寞。妙絕於有為。滅度者。言其大患永滅。超度四流。○涅槃。泥洹。有加殺字者。何也。即金剛經所謂我皆令入無餘涅槃。而滅度之。般。即入也。又瑞應經云。安那般那。華言出息入息。觀此而般之為入。又可知矣。

常氏法起跋大彌陀經。畧曰。現在會中二法王子。於彼佛土。智慧威神。德業輝光。最為第

淨土寶藏集卷一

生莊章

七

一入則坐侍正論。出則揚化。他方於彼刹中。不失現在。次補佛處。相繼出興。到此則安樂舊號。轉而為衆寶善集莊嚴矣。約其依報住處。蓋在彼界第四兜率天宮。而此書之所未及言者。

願偈攝生篇

攝生七願

見大阿彌陀經四十八願分

第一願。我作佛時。我刹中無婦女。無央數世界。

諸天人。民。以至蛸飛蠕動之類。來生我刹者。皆於七寶水池。蓮華中化生。不得是願。終不作佛。第二十三願。我作佛時。名號聞於十方無央數世界。諸佛各於大衆中稱我功德。及國土之勝。諸天人。民。以至蛸飛蠕動之類。聞我名號。乃慈心喜悅者。皆令來生我國。不得是願。終不作佛。第二十五願。我作佛時。光明照諸無央數世界。幽冥之處。皆當大明。諸天人。民。以至蛸飛蠕動。

見我光明莫不慈心作善。皆令來生我國。不得是願。終不作佛。

第二十七願。我作佛時。十方無央數世界。諸天人。民。有發菩提心。奉持齋戒。行六波羅蜜。脩諸功德。至心發願。欲生我刹。臨壽終時。與我大眾。現其人前。引至來生。作不退轉地菩薩。不得是願。終不作佛。

第二十八願。我作佛時。無央數世界。諸天人。民。

聞我名號。燒香散華。然燈懸繒。飯食沙門。起立塔寺。齋戒清淨。益作諸善。一心繫念於我。雖止於一晝夜不絕。亦必生我刹。不得是願。終不作佛。

第二十九願。我作佛時。十方無央數世界。諸天人。民。至心信樂。欲生我刹。十聲念我名號。必遂來生。唯除五逆。誹謗正法。不得是願。終不作佛。第三十願。我作佛時。十方無央數世界。諸天人。



民以至蛸飛蠕動之類。前世作惡。聞我名號。即  
懺悔為善。奉持經戒。願生我刹。壽終皆不經三  
惡道。徑遂來生。一切所欲。無不如意。不得是願。  
終不作佛。

願後說偈

畧云。我至成佛時。名聲超十方。人天欣得聞。俱  
來生我刹。我以智慧光。廣照無央界。除滅諸有  
情。貪嗔煩惱暗。地獄鬼畜生。亦生我刹中。

還謹按阿彌陀佛四十八願。固皆所以度

衆生。唯此七願。乃所以攝引往生者故特表章之耳

蓮師疏鈔。衆生沒於苦趣。佛援之。如

垂手深淵。衆生背覺合塵。佛念之。如倚門

望子。援之。雖殷。念之。雖切。深沉不起。遠逝

無還。是孤佛願也。可慨也夫。

考證蓮華化生

蓮師疏云。是蓮華者。乃卸

宅。修淨土者。若禮佛時。當想已身在蓮華中。作禮佛在蓮華中。受我禮敬。若念佛時。

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

淨法寶蓮華集卷一

後生章

當想已身在蓮華中結跏趺坐。佛在蓮華中接引於我。然後一心持名。昔有二僧作蓮華開合想。遂得往生。况復加**蛭飛蠕動**之一心持名。而有不生者乎。

龍舒淨土文曰。蛭飛。微細飛虫也。蠕動。微虫類也。若此者。佛尚化度。况於人乎。故虫類佛何能度之。答。泥洹經云。佛在世時。迦羅池中。有一泥蛤。聞佛說法。即從池起。以杖插地。誤傷蛤死。即生忉利天宮。乃自述其生天之故。由此觀之。則泥蛤之上。伏佛力也。蛭飛蠕動之類。**六波羅蜜**。初門曰。此西土之言。今畧出三翻。一云。事究竟。一云。到彼岸。一云。度無極。○一檀波

淨法寶蓮華集卷一

生注章

十一

羅蜜檀那。秦言布施。若內有信心。外有福。再。有財物。三事和合。時心生捨法。能破慳貪。是為檀布施。有二種。一財施。一法施也。○二尸羅波羅蜜。尸羅。秦言好行善道。不自放逸。是名尸羅。或受戒行善。不受戒行善。皆名尸羅。○三羸提波羅蜜。秦言戒辱。內心能安。外所辱境。故名忍辱。有二種。一者生忍。二者法忍。生忍有二種。一於恭敬供養中。能忍不生。嗔恨怨惱。二於嗔罵打害中。能忍不生。嗔恨怨惱。渴老病死等。一於心法。謂忍寒熱風雨饑渴老病死等。二於心法。謂忍恚憂愁疑嫉慾慢諸邪見等。○四毘黎耶波羅蜜。毘黎耶。秦言精進。勤行善法。不自放逸。謂之精進。有二種。一者身精進。勤行善法。行道禮誦。講說勸助。開化。二者心精進。勤行善道。心心相續。復次。

勤脩施戒善法。是為身精進。勤行忍辱。禪定智慧。是為心精進。○五。禪波羅蜜。禪。秦言思惟修也。有三種。一者世間禪。即是凡夫所行禪。二者出世間禪。亦名二乘共禪。三者出世間上上禪。亦名禪。不與凡夫二乘共也。○六。般若波羅蜜。般若。秦言智慧。照了一切諸法。皆不可得。而能通達一切無礙。名為智慧。有三種。一者聲聞智慧。二者辟支佛智慧。三者佛智慧。○菩薩以質直清淨心。行三種施。故名為檀。若於檀中能具五種心者。是時布施名為波羅蜜。人及財物三事皆空不可得。入實相正觀。以無所捨法。而隨他有所須者。能捨不吝。足為知施實相。二者起慈悲心。若菩薩雖知

實相無所有。而起大慈大悲。欲因此施與一切樂。拔一切苦。是為起慈悲心。三者發願願施時。願因此施得無上佛果。不求凡夫二乘果報。是為發願。四者迴向。隨所流時。迴此施功德。向菩薩若及施。向一切眾生。是為迴向。五者具足方便。所謂能於布施一法。旋轉通達一切佛法。徧修諸行。是為具足方便。菩薩若於施時。具此五種心者。因中說果。亦名事究竟。亦名到彼岸。亦名度無極也。餘五波羅蜜。所知實相。各以類推。餘四心。類如檀中分別。○問。何名六度。曰。檀。破。餓鬼。尸。救地獄。忍。濟。畜生。進。拔。修。羅。禪。靜。人中。慧。照。天。衆。發。隱。曰。檀。屬。餓。鬼。者。慳。貪。獨。食。不。肯。施。故。尸。屬。地。獄。者。十。惡。五。逆。不。持。戒。故。忍。屬。畜。生。者。強。弱。吞。噬。不。能。忍。故。進。屬。修。羅。者。貢。高。自。負。不。修。進。故。

法華經卷第一  
乃至人習攀緣決定意故。天迷欲樂喪慧  
心故。菩薩故各以此六者分度之也。故曰  
六度。戒。斯。發。隱。曰。問。六。度。滿。相。行。所。難  
行。功。德。如。斯。云。何。屬。小。謂。之。偏。菩。薩。答。此  
是。事。六。度。漸。行。漸。滿。有。齊。限。故。尸。毘。割。肉  
飼。鷹。施。而。至。身。分。血。肉。施。斯。戒。斯。明。視  
死。如。歸。以。全。其。信。捨。身。不。捨。戒。戒。斯。極。矣。  
大。彝。提。仙。人。忍。支。解。心。不。動。搖。忍。斯。極。矣。  
大。施。太。子。以。失。珠。故。抒。海。欲。乾。心。無。退。倦。進  
斯。極。矣。尚。闍。黎。入。定。而。鵲。巢。頂。上。出。定。乃  
知。禪。斯。極。矣。劬。瘡。均。分。閻。浮。提。城。邑。山。川  
為。七。分。諸。國。息。爭。智。巧。方。便。而。至。於。此。慧  
滅。斯。極。矣。然。不。出。因。果。也。唯。除。五。逆。或。謂。觀  
逆。得。生。唯。除。五。逆。則。濟。度。功。狹。矣。不。知。唯  
除。五。逆。下。有。誹。謗。正。法。四。字。五。逆。而。兼。謗

法乃在所除。雖具五逆。不謗法者。未必不  
生也。良由謗則不信。不信不生。故所謂疑  
則華不開。是也。觀經不言謗法。如兼謗者  
亦不生矣。五逆者。弑父。弑母。弑阿羅漢。  
出佛身血。皆屬身業。破懺悔願生。問蚰飛  
羯磨轉法輪僧。屬語業。懺悔願生。問蚰飛  
類。何能懺悔願生。蓮師云。性在含靈。不可  
思議。安期畜類。終無覺心。如蛤之生。天鵬  
之敬律。虎之弭耳。避地。蟒之垂淚。單心。海  
魚之再世。而與崇法門。飛鳥之次生。而還  
為弟子。如斯之類。故舉曷勝。由此觀之。  
烏知蚰飛蠕動之類。不能懺悔願生乎。

諸聖同歸篇

見蓮師往生集

擇生極樂

觀無量壽佛經云。爾時帝提希號泣。白佛言。世尊。願為我廣說無憂惱處。我當往生。不樂閻浮濁惡世也。於是世尊。放眉間光。徧照十方世界。諸佛國土。皆於中現。時帝提希見已。向佛言。是諸佛土。雖復清淨。皆有光明。我今唯願生於極樂世界。阿彌陀佛所。

考證帝提希

見第五卷十  
六觀想註

往生無數

大無量壽佛經云。彌勒白佛言。於此界有幾菩薩往生極樂。佛告彌勒。於此世界有六十二億不退菩薩往生彼國。小行菩薩不可稱計。不但此國。他方佛土。如遠照佛刹。有八十億菩薩。皆當往生。乃至十方佛刹。往生者甚多無數。我若具說。一劫猶未能盡。

蓮師讚

後同

曰。此界他方。往生無量。淨土何以

容之。噫。滄海尚納百川。虛空猶含萬象。而無

遺刹海。不出普賢一毛孔中。然則淨土。鍼鋒之地。而容無盡之往生。不亦恢恢乎有餘裕哉。

考證

鈔云。他方世界。第一光遠。照佛所。有八十億菩薩。皆當往生。第二寶藏。佛所有九十億。第三無量音。佛所有二百二十億。展轉至十四佛刹。以及無量佛刹。往生者不可復計。淨名經云。維摩丈室。容八萬四千師子之座。今此淨土。十方往生。猶如雨點。皆生七寶池。中。曾無窄隘。即淨名義。

面見彌陀

觀佛三昧經。佛記文殊當生極樂。文殊發願偈云。願我命終時。滅除諸障礙。面見彌陀佛。往生安樂刹。生彼佛國已。滿足我大願。阿彌陀如耒。現前授我記。

十願求生

華嚴經普賢菩薩發十種大願。普為法界衆生。求生淨土。偈云。願我臨欲命終時。盡除一切諸障礙。面見彼佛阿彌陀。即得往生安樂刹。又云。

彼佛衆會咸清淨。我時於勝蓮華生親觀如未  
無量光。現前授我菩提記。

贊曰。文殊七佛之祖。普賢萬行攸宗。而淨土  
往生。諄諄如出一口。娑婆良弼。即安養親臣。  
明亦甚矣。外淨土而不願往生。謬哉。

**改證**

七佛

法寶壇經曰。過去莊嚴劫。毘婆  
拘留孫佛。拘那含牟尼佛。迦  
葉佛。釋迦文佛。是為七佛。

十願

即行願  
品十願

偈論淨土

天親菩薩。天竺人。廣造諸論。昇兜率內院。禮  
觀彌勒。復著無量壽論及淨土偈。五門修法。  
普勸往生。

請佛形儀

見感通傳

天竺雞頭摩寺五通菩薩。以神力往安樂國。  
見阿彌陀佛。陳云。娑婆衆生。願生淨土。無佛  
形儀。請垂降許。佛言。汝應先行。尋當現彼。五  
通還。聖儀已至。一佛五十菩薩。各坐蓮華。在

樹葉上遂取葉傳寫流布

造論起信

馬鳴菩薩西天第十二祖嘗著起信論後明  
求生淨土最為切要

考證

西天竺二十八祖第一祖摩訶迦葉  
乃至第二十八祖菩提達磨

龍樹記生

楞伽經云大慧汝當知善逝涅槃後未來世當  
有持於我法者大名德比丘厥號為龍樹能破

有無宗世間中顯我無上大乘法得初歡喜地  
往生安樂國

考證

善逝如末十號之  
第五號也

歡喜地

華嚴十地  
之初地也

集善往生

大悲經曰佛言我滅度後北天竺國有比丘名  
和婆迦修習無量種種最勝菩提善根已而命  
終生於西方過百千億世界無量壽國於彼佛  
所種諸善根後當作佛號無垢光



得忍往生

菩薩持地經云。佛言。時摩差竭。得不起法忍。五百清信士。二十五清信女。皆得不退轉地。壽終俱生無量壽佛清淨國。

贊曰。求生西方。為欲悟無生忍。登不退地也。已得忍。已得不退。而復求生。菩薩之樂近如。未乃如此。今具縛凡夫。忍力未充。退緣無限。而不刺心淨土。謂之何哉。是則名為可憐憫者

攷證無生忍

仁王經五忍。一伏忍。十信也。二信忍。十住也。三順忍。十行也。四無生忍。十地也。五寂滅忍。妙覺也。

王龍舒曰。往生淨土者。必證無生法忍。無生法忍者。了生死也。了生死者。雖入生死界中。此一性已不昧矣。一性既不昧。何由而為惡乎。論其理。固無墜墮。况又仗佛力。墜墮必無。是以生淨土者。非徒長生不老。又生死自如也。

第二大願

菩薩內戒經云。菩薩有三願。其第二願。願我命終。往生阿彌陀佛前。

念佛滅罪

大智度論云。有諸菩薩。自言謗大般若。墮惡道。歷無量劫。雖脩餘行。不能滅罪。後遇知識。教念阿彌陀佛。乃得滅障。超生淨土。

贊曰。至心念佛一聲。滅八十億劫重罪。此其明徵乎。所以者何。至心故也。若匪至心。罪則不滅。毋曰聖訓之無稽哉。

勝會書名

長蘆賸禪師。導遠祖遺範。建蓮華勝會。普勸念佛。一夕夢一人。烏巾白衣。風貌清美。揖而曰。欲入公蓮華勝會。乞書一名。賸問何名。答曰。普慧。書已。又云。家兄普賢。亦乞併書。賸覺而檢華嚴離世間品。有二菩薩名。遂以為會首云。

贊曰。凡僧結社。古聖書名。甚哉淨土之非小緣也。良由事出真誠。則宜通靈應。一有偽焉。

海東寶鑑卷一  
人世自好者不屑。而況古聖乎。今之所謂佛會者。曠公見之。當為太息矣。

畧舉尊宿

此篇與雲棲勸修西方章合併故此往生集為多耳

廬山遠法師。豁悟般若深旨。號東方護法菩薩。而六時念佛。三觀聖像。往生淨土。

天台智者大師。妙悟法華一家教觀。萬代宗祖。而生即面西。辯十種疑。疏十六觀。極談淨土。

百丈海禪師。馬祖傳道嫡子。萬世叢林大宗。其立法。祈禱病僧。化送亡僧。悉歸淨土。

清涼國師。紹華嚴祖位。稱文殊後身。而指示彌陀。即盧舍那。亦疏觀經。弘淨土。

黃龍新禪師。叅覺老得旨。繼席黃龍。宗風大振。而切意淨業。有勸念佛文行世。令人發哀起信。

永明壽禪師。得無礙辯材。柱石宗門。而作四

料簡偏贊西方。上品生敬及冥府。

真歇了禪師。嗣丹霞淳公。洞下一宗。至師大顯。後卓庵補陀。庵名孤絕。專意西方。有淨土說以勸四衆。

慈受深禪師。得法於長蘆信公。專修淨土。謂脩行捷徑。無越淨邦。建西方道場。苦口勸衆。翕然化之。

石芝曉法師。嗣月堂詢公。洞徹教部。以淨業

化人。嘗集大藏諸書。有樂邦文顯行世。

寂堂元禪師。學禪於密庵傑公。篤行念佛三昧。感金甲神自天而降。夢紅蓮花從地而出。由是十洲蓮宗大行。

圓照本禪師。道續天衣。宗弘雪竇。法雷振地。師表兩朝。而淨業兼修。華開上品。兩僧神遊樂國。親見標名。

中峯本禪師。得法於高峯妙公。人仰之如山。

斗有懷淨土詩百首盛傳于世。

王以寧侍制自稱彌陀弟子。

晁悅之翰林答趙子昂書稱西方淨土是真語實語。

陳瓘侍制作延慶寺淨土院記極贊念佛。

優曇宗主廬山東林善法堂也著蓮宗寶鑑奉旨板行為淨土中興云。

贊曰始遠師終優曇畧紀歷代尊宿無不奉

行淨土者嗚呼盛哉。

總論

天如禪師謂今人鄙視淨土非鄙愚夫愚婦也。是鄙文殊普賢馬鳴龍樹也。吾故集群經以實其說。或者猶疑菩薩道大似已不必求生。意自非位登妙覺雖等地大聖不能一日離佛。况其下者乎。蓋嘗譬之爵。彌尊則覲主彌密。彼荷擔挾鋤之輩。侶漁樵以自足。絕望

於九重而囂囂然曰。明主之不足親也。可哂也夫。

**考證**等地妙覺

發隱曰。地者。住持佛智。二。負衆生。名地。等覺者。有二。義。一云。與佛無間。一云。猶去一等。今兼之。言雖齊等。未極於妙。猶稍隔一等也。妙覺者。朗然大覺。妙智窮源。無明習盡。儵然無累。寂而常照。名妙覺也。

三九往生篇

三輩往生

大阿彌陀經曰。佛言十方世界諸天人民。有至

心欲生阿彌陀佛刹者。別有三輩。其上輩者。捨家棄欲。而作沙門。心無貪慕。持守戒行。六波羅蜜。修菩薩業。一向專念阿彌陀佛。脩諸功德。是人則於夢中見佛。及諸菩薩聲聞。其命欲終時。佛與聖衆。悉來迎致。即於七寶水池。蓮華中化生。為不退轉地菩薩。智慧威力。神通自在。所居七寶宮宇。在於空中。去佛所為近。是為上輩生者。其中輩者。雖不能往作沙門。大修功德。常

信受佛語深發無上菩提之心。一向專念此佛隨力修善。奉持齋戒。起立塔像。飯食沙門。懸繒然燈。散華燒香。以此迴向。願生其刹。命欲終時。佛亦化現其身。光明相好。與諸大衆在其人前。即得往生。亦住不退轉地。功德智慧。次於上輩生者。其下輩者。不能作諸功德。不發無上菩提之心。一向專念。每日十聲念佛。願生其刹。命欲終時。亦夢見此佛。遂得往生。所居七寶宮宇。惟

在於地。去佛所為遠。功德智慧。又次於中輩生者。

**考證**

蓮師疏云。王氏大本。去取舊文。亦有未盡。如三輩往生。魏譯皆曰發菩提心。而王氏唯中輩發菩提心。下曰不發。上竟不言。則高下去次。且文中多善根。全在發菩提心。而三輩不同。同一發心。正往生要旨。乃反畧之。故云未盡。

**九品往生**

詳見觀無量壽佛經

讚佛偈有云。四十八願度衆生。九品咸令登彼岸。

上品上生

大智律師元照頌

三心圓發

諦理深明

金臺隨往

即證無生

上品中生

達諸法空

了無驚動

有願即生

不必讀誦

上品下生

但發道心

未窮妙理

到彼開明

獲菩提記

中品上生

諸戒久持

往生如願

聞說苦空

得阿羅漢

中品中生

一日一夜

奉戒願求

蓮開見佛

即預聖流

中品下生

淨土寶藏

往生章

卷五



孝友仁慈

知識開悟

遇二菩薩

聞法得度

下品上生

平生積惡

死遇良師

一稱佛號

生寶蓮池

下品中生

毀戒業深

獄火俱至

聞法回心

衆聖迎去

下品下生

十惡五逆

臨終苦逼

教稱十念

蓮華金色

攷證三輩九品

鈔云三輩九品以心分事理亦復各分勝劣後

得往生如其本三有生彼即得百千陀羅尼經所云上三品有經一小劫得無生忍者有經三小劫得百法明門住歡喜地者配前則雙得事理一心而有深淺故成三品例上輩也中之三品有生彼國即得阿羅漢者有生彼半劫得阿羅漢者有生彼一劫得阿羅漢者配前則事盈理歉亦以深淺故成三

品。例中輩也。下之三品。有往生彼國。經十  
小劫。得入初地者。有經於六劫。遵華乃開  
發。無上道心者。有十二大劫。發菩提心者。  
配前則有事無理。亦以深淺。故成三品。例  
下輩也。孤山謂大本三輩止齊。觀經六品  
以三輩純明善行。不及惡人。也。靈芝判三  
輩止對上品。諸說稍異。草庵輔正。經曰。天  
台以九品同三輩者。乃約位次相同。不約  
行因。孤山靈芝。唯約行因。則齊中上。取義  
各不同耳。剋實而論。則煩惱不異。菩提淨  
九正相配。合三心生觀章。下品往生  
又何疑焉。三心生觀章。下品往生  
或問曰。逆惡得生者。觀經疏云。以念佛除  
滅罪障。故余詳之。有三義。一者。雖以少時  
心力。而其力猛利。是心勇決。名為大心。以  
捨身事急。故如人入陣。不惜身命。名為捷

人也。二者。亦是宿種今熟。以宿善業強。故  
臨終得遇知識。十念功成也。三者。若非宿  
種。則其念佛之時。必有重悔。故永明曰。善  
惡無定。因緣體空。迹有升沉。事分優劣。真  
金一兩。勝百兩之壘。華鬘微光。養萬仞  
之積草。○龍舒淨土文曰。下品往生者。譬  
如缺石。雖重。賴舟舡力。可以渡江。一針雖  
輕。不賴舟舡。江不可渡。蓋謂人有重罪。仗  
佛力者。可生淨土。罪惡雖輕。不仗佛力。亦  
不得生。又如平生不善。一日招安。遂為良  
民。仗佛力而消罪惡者。亦復如是。切勿疑  
也。有罪惡念。佛而不可以性生。但起見佛  
得道。還度一切冤親  
之心。則無不生也。

往生勝相篇

見性生集各舉二三事以  
例其餘耳。非曰止於此也。

還  
謹按阿彌陀佛願後之偈。則佛之所度者。豈特三輩九品而已哉。但恐世人障重惑深。不願往生耳。若肯至心發願。黽勉精脩。則是篇不為虛文矣。今畧開十相。而以往跡證之。庶乎觀者。知所迴向云。

標名金地

宋可久居明州。常誦法華。願生淨土。元祐八年坐化。越三日。還謂人曰。吾見淨土境。與經

符契。蓮華臺上。皆標合生者名。一金臺標成。都府廣教院勳公。一標明州孫十二郎。一標可久。一銀臺標明州徐道姑。言訖復化去。五年徐道姑亡。異香滿室。十二年孫十二郎亡。天樂迎空。皆如久所云。

還  
謹按往生之事。人多疑焉。今觀可久。不亦信而有徵乎。較之冥府提額者。又為捷徑矣。

攷證冥府提額宋江公望。官諫議疏。食清俗。有子早亡。託夢云。大人修道功業已成。冥府有金字額云。嚴州府江公望。身舌言責。志慕苦空。躬事薰脩。心無愛染。動靜不違佛法。語默時邦宗風。名已脫乎閻浮。身必歸于淨土。宣和末。一旦無疾而西而化。

投種蓮胎

宋荆王夫人王氏與婢妾精修淨業。一妾忽無疾而逝。俄而夫人夢與亡妾同遊寶池。見紅白蓮華或榮或悴。夫人問何以如此。妾云

此皆世間發念修西方人也。纔發一念。池內便發蓮華一朵。若願心精進。則華日日敷榮。以至大如車輪。若念心退轉。則華日日萎悴。以至殞滅。次見一人坐蓮華上。夫人問何人。妾云楊傑也。又見一人坐於華上。妾云此馬圩也。又望見一金壇。金碧照耀。妾云此夫人化生處也。夫人既覺。訪問楊馬所在。則傑已亡。而圩無恙。是知精進不退者。雖身在娑婆

之內其神識已在淨土矣。夫人於是彌加精進。年八十一。立化。

龍舒居士曰。或者疑云。此間念佛。西方七寶池中。如何便生蓮華一朵。予告曰。此不難知也。譬如大明鏡。凡有物來。便見其形。鏡何容心哉。以其而明自然耳。阿彌陀佛國中。清淨明潔。自然照見十方世界。猶如明鏡。觀其面像。故此間念佛。七寶池自然生蓮華一朵。無足

疑也。

還

謹按夫人夢中之說。或疑其未真。殊不知有道者之夢。非世人之夢幻也。况以法照之華臺。宗本之華麗。合而觀之。夫人之言。益可信矣。豈曰幻妄云乎哉。

攷證華臺

唐法照憶文殊無如念佛之言。乃一心念佛。忽見梵僧佛陀波

利謂曰。汝華臺已就。後三年華開矣。至期端坐而逝。華麗。宋宗本住

修淨業。雷峯才法師。神遊淨土。見一華殊麗。問之曰。待淨慈本禪師耳。

三聖接引

晉慧遠住廬山東林三十年跡不入俗立志西方太元十九年七月晦夕於般若臺方從定起見阿彌陀佛身滿虛空圓光之中無量化佛觀音勢至左右侍立佛言我以本願力故來安慰汝汝七日後當生我國至期端坐入寂

宗鏡錄曰問心外有他佛來迎云何證自心

是佛答一是如來慈悲本願功德種子增上緣力令曾與佛有緣衆生念佛修觀集諸福智種種萬善功德力以為因緣則自心感現佛身來迎不是佛實遣化身而來迎接佛身湛然常寂無有去來衆生自心變化有來有去是知淨業純熟自觀佛身惡果將成心現地獄

還謹按遠師東林三十載淨業已久宜佛

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

之接引也。儻無遠師之友。何以致佛之迎。曰不然。僧銜九十。始迴心念佛。明瞻晚歲。方剋志安養。俱感三聖來迎。又奚在久近乎。顧人之所修何如耳。

考證九十迴心

唐僧銜年九十。遇道綽禪師。得聞淨土。始迴心念佛。

日禮千拜。一心無怠。後有疾。告弟子曰。阿彌陀佛。授我香衣。觀音勢至。示我寶手。吾其行矣。言晚歲剋志。唐明瞻。晚歲剋志。安說而逝。養或譏其遲暮。曰。十念功成。猶得見佛。吾何慮乎。後因疾遽曰。佛來矣。球身合掌而化。

金臺迎往

晉慧恭。鄴城人。與慧蘭僧光等同學。蘭光先化去。後恭病篤。誓心安養。念不少間。見阿彌陀佛。以金臺來迎。恭乘其上。又見蘭等於臺上。光明中告曰。長者受生。已居上品。吾等不勝喜慰。恭欣然奮迅而逝。他如懷玉之。以銀臺而易以金臺。又甚異矣。

蓮師贊曰。或謂銀臺至而復隱。金臺誓而重

來。何得果報無憑。由人揀擇。通曰。此正所謂萬法由心。隨感而應者也。且火車已現。十念而得往生。天衆來迎。矢心而歸淨土。善惡聖凡之相隔。尚可轉業須臾。况金銀幾希。間耶。

考證 易金臺

唐懷玉。台州人。誦彌陀經三十萬遍。日課佛號五萬聲。天寶元年。見佛菩薩滿虛空。一人持銀臺來迎。玉曰。吾一生念佛。誓取金臺。何為不然。衆聖隨隱。玉彌加精進。三七日後。向擊臺者。未云。師以精進。得升上品。宜趺坐。以俟三日已後。謂弟子曰。吾升上品金臺至矣。含笑而逝。太守段公。以偈贊曰。我師一念

登泐地。佛國笙歌兩度未。唯有門前古槐樹。枝低只為掛金臺。

天樂迎空

唐元子才。居潤州觀音寺。誦彌陀經。念佛。夜聞空中樂音。似有人云。粗樂已過。細樂續未。君當行矣。念佛而化。

還

謹按天樂之迎也。或旋環頂上。見而知之。或嘹唳空中。聞而知之。而此則似有人言。又不止於尋常之聞見也。非神靈之翊





贊而何哉。噫。精誠之極。一至此歟。

**考證** 旋環頂上

唐道昂志結西方願生安養至八月朔日無所患問

齋時至未即昇高座舉目高視見西方香

華伎樂充塞如雲飛湧而未旋環頂上舉

衆皆見昂即 嘹喨空中

宋晤恩徧海人以

於高座而逝 年八月朔日端坐而化人聞管絃鈴鐸

之音嘹喨空中漸又漸遠自西而去

藩蓋布列

元郵縣周婆精修淨土既而微疾鄰人夜見  
幢幡寶蓋未入其家黎明婆已合掌念佛逝

矣

還謹按藩蓋之至或夢於淨嚴尼或見於

弟子護固難悉數要之大丈夫當如此矣

孰謂周婆以婦人而有是哉噫男兒可不

自強耶

**考證** 淨嚴尼

晉慧處投山陰嘉祥寺苦身率眾後寢疾屬想安養祈誠

觀音北寺有淨嚴尼者宿德篤行夜夢觀

音從西郭門入幢幡華蓋七寶莊嚴尼驚

問大士何往答云往嘉祥迎慶公 僧護

甲慶雖疾神色如常泊然而化 唐智

欽。專習禪業。求生淨土。弟子僧護。夜半見  
庭前光。問誰。秉炬空中。聲曰。未迎。欽。禪師  
耳。護急啓窓。見佛身光明。猶華寶蓋。滿虛空  
中。欽隨佛。冉冉而去。

光明照耀

隋法智。晚歲精勤念佛。一日忽辭道。俗云。某  
生西方去也。中夜無疾而化。時有金色光明  
照數百里。江上漁人。謂是天曉。遲夕方明。始  
知智之往生云。

謹按光明有二。一者佛光攝引往生。如

法智之金光數百里。如道喻之光明滿室。  
是也。二者身心瑩徹所致。如法祥之鏡光。  
嚴公之月光。是也。是雖光有大小。但身心  
未抵於瑩徹。則佛光決難以攝生。二者之  
成功一也。往生者。勿以鏡光月光為少。而  
以百里滿室為多歟。

考證光明滿室

隋道喻。居開覺寺。念佛日

室。遂坐

夜不廢。後佛未迎。光明滿

鏡光

唐法祥。三十年修安養之業。因疾。弟子見房西壁有光。若

鏡現淨土相。頗伽月光。宋有嚴平生篤修  
鼓翼乃倏然而化。塔上有  
光如月。三夕而隱。

異香旋繞

唐大行。晚歲入大藏。陳願隨手取卷。得彌陀  
經。晝夜詠誦。至三七日。觀瑠璃地上。佛及二  
大士現身。後一年。瑠璃地復現。即日而終。異  
香經旬。肉身不壞。  
蓮師贊曰。慧永僧銜。異香七日。行今決旬。孰

非梵行之芬芳也哉。至僧濟以聖師指示而  
生淨土。臨終留龕。導暑體發異香。梵行之精  
堅極矣。

考證慧永

晉慧永。河南人。駐錫廬山西林。

年示疾。謂眾曰。佛未迎我。僧銜見前三聖

言訖而化。異香七日。方滅。僧銜接引。及

逝。七日異。僧濟後疾篤。遠遺燭一枝。曰。汝

可運心安養。齋執燭憑几。停想無亂。又集  
眾諷淨土經。明夕忽起立。如有所見。謂傍  
人曰。吾行矣。右脅而逝。時方炎暑。三日而  
體不變。異香郁然。

化鳥呈祥

隋智舜入廬山。躡遠法師淨業。大業初。即示疾。見鸚鵡孔雀念佛法僧。出微妙音。告弟子曰。我今日往生矣。安然而逝。

蓮師贊曰。智舜見鸚鵡孔雀。法祥弟子。又見頻伽鼓翼。不見佛而見衆鳥。何耶。經云。是諸衆鳥。皆阿彌陀佛變化所作。故知正報依報。皆淨土相也。幸無疑焉。

考證法祥

法祥見前光明照耀下

妙華顯瑞

宋宗利居新城碧沼。修念佛三昧。後忽謂弟子曰。吾見碧蓮華徧滿空中。三日復曰。佛來矣。奄然而化。

還謹按見蓮華者甚衆。猶疑想念所致也。

他如道綽之天花下散。僧叡之榻前金蓮。太公之棺上蓮華。衆皆見之。想念云乎哉。

近有樵李陶氏棺生青蓮五華又甚奇矣

**考證**

**道綽** 唐道綽并州人。篤志淨土。六時禮敬不缺。念佛日以七萬為限。

**貞觀** 二年。四月初八日。歸寂。聞而僧叡。僧

赴者。見化佛住空。天花下散焉。叡。冀州人。預廬山蓮社。宋元嘉十六年。合

掌而化。眾見。叡榻前。一金蓮華。條爾而隱。五色香烟。

**太公** 大明蓮華太公者。越人。晝從其房出。夜念佛不絕。命終之後。棺

驚嘆。因號蓮華太公云。**陶氏** 大明萬曆廿三年事也。

往生勝果篇

大阿彌陀經曰。佛言。無央數世界。諸天人民。往

生阿彌陀佛刹者。皆於七寶池蓮華中化生。自

然長大。亦無乳養之者。皆食自然之食。其容貌

形色端正淨好。固非世人所比。亦非天人可比。

皆受清虛自然之身。無極之壽。

淨土十易

見淨土指歸

一常得見佛

二常聞法音

三聖賢會集

四遠離魔事

五不受輪迴

六永離惡道

七勝緣助道

八壽命無量

九入正定聚

十一生行滿

考證淨土十易

慈雲云。五濁得道為難。淨土修行則易。今以淨土十

易揀示之。○淨土指歸。○常得見佛。無量壽佛成道已。未經十大劫。常住不滅故。○常聞法音。佛及菩薩。樹林水鳥。常宣法。○三聖賢集會。觀音勢至。為其勝友。諸善人俱會一處故。○四遠離魔事。雖有天魔。皆護佛法。令修行人速成就故。○五不受輪迴。蓮華化生。無復輪轉生死苦趣故。○六永離惡道。彼佛國土。無三惡道名字。尚不聞故。○七勝緣助道。瓊樓玉殿。珍衣美饌。皆為助道之資具故。○八壽命無量。眾生壽量。與佛

生淨土三十種益

見教乘法數

一往生佛土

二得大法樂

三親近諸佛

四遊十方供佛

五親聞佛說

六福慧資糧

七速證菩提

八諸天人等

九無退轉

十無量行願

齊等。入天凡夫。盡其智力。莫知其數。故九。入正定。聚眾生生者。皆是阿鞞跋致。無退轉故。○一生行滿。常隨佛學。一生當得無上菩提。故。

福慧資糧。速得圓滿。

諸天人等。同會一處。

行願。增進。

十一珍禽說法

十二風樹樂音

十三水演苦空

十四樂奏妙音

十五四十八願

十六真金色身

十七形無醜陋

十八具足六通

十九常住定聚

二十無諸不善

廿一壽命長遠

廿二衣食自然

廿三唯受眾樂

廿四三十二相

廿五實無女人

廿六無有小乘

廿七離於八難

廿八得三法忍

廿九身常有光

三十得那羅延力

攷證往生佛土

大阿彌陀經云我作佛時凡生我刹欲往他方設化

衆生修菩薩行供養諸佛即自在往生

十方供佛

諸佛隨心所欲華香伎樂衣蓋幢幡無數供養之具自然化現在

前報以奉佛聽受經法喜悅無量既供養已忽然輕舉還至本刹猶為未食之前

佛所出音聲皆演妙

法與十二部經合

福慧資糧

可不兼脩福慧種種利物皆行方便作一切善戒一切惡所謂修福也。因果識罪福。觀釋氏書內明性。觀儒家書外明世道。所謂修慧也。修福得富貴。修慧得明了。二者皆不修。愚癡而窮困。故偈云。修福不修慧。象身掛瓔珞。修慧不修福。羅漢應供薄。必不得已。寧使慧勝於福。則知罪福而戒慎。故無墜。墮若福勝於慧。則因受福而復念彌陀。九品蓮華。兼修福與慧。又諸天人等。同會一處。大阿彌陀經云。佛言。阿彌陀佛。利中皆諸菩薩。聞諸上善人。皆洞視徹聽。遙相瞻見。淨好無語。聲皆求善道者。其面目皆端正。淨好。無有醜陋。其材性皆智慧勇健。無復庸愚。其所欲言皆預相知。心意所存念。無非道德。形

於言說。無非正事。皆相愛敬。無或憎嫉。皆相順序。無或差池。動合禮義。覆若弟兄。言語誠實。轉相教令。欽悅承受。不相違戾。神氣和靜。體力輕清。世人如此。諸天可知矣。  
**無退轉**者。阿彌陀佛大悲願力攝持。故不退。二者。佛光常照。菩提心常增長。故不退。三者。水鳥樹林。風聲樂響。皆說苦空。聞者常起念佛念法念僧之心。故不退。四者。彼國純諸菩薩。以為良友。無惡緣境。外無鬼神。內無三毒等煩惱。畢竟不起。故不退。五者。但生彼國。則壽命永劫。與菩薩佛等。故不退也。又古人云。不願生淨土。則已。願生則無不生。不生則已。願意珠玉。涌出。珍禽說法。無量壽佛經云。如意珠王。涌出。金色微妙光明。其光化為百寶。

910 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8



9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

法華經卷一

從生章

色鳥和鳴哀雅常大阿彌陀佛讚念佛法念僧

刹中自然微風徐動吹諸寶樹或作音樂或作法音吹諸寶華成異香散諸菩薩聲

聞大眾之上。佛言世間有萬種音樂不如諸天一音之美百千萬倍諸天萬種音

樂不如阿彌陀佛刹中諸七水演苦空寶樹一音之美百千萬倍量壽佛經云摩尼水派注花間尋樹上下其

聲微妙演說苦空無常無我之音

四十八願大阿彌陀經考之真金色身

形無醜陋大阿彌陀經云我作佛時我刹

其形容皆好無復醜異具足六通初門曰

目端正淨好無復醜異

通見六道衆生死此生彼及見世間種種形色二天耳通能聞六道衆生語言及世

間種種音聲三知他心通能知六道衆生心及教法種種所緣念事四宿命通知自

過去一世二世百千萬世乃至八萬大劫宿命及所作之事五身如意通有二種一

者飛行速到山障無礙二能轉變自身身及世間所有隨意自在六漏盡通能發

見思真智則常住定聚妙宗鈔云此土傳

三漏永盡地凡夫屬邪定聚發心修行未得不退者屬不定聚已得不

退者屬正定聚若生安養不論高下五逆罪人臨終十念得往生者無諸不善大阿

亦得不退故云皆正定聚彌陀經云我作佛時我刹中人皆不聞不善之

名况有其實又云我作佛時我刹中人盡

法華經卷一

從生章

四二

無淫泆嗔怒愚痴之心。壽命長遠。大阿彌陀經云。佛

數世界諸天人。民皆作緣覺聲聞。共坐禪

一心。合其智慧。為一智慧。以計數彼刹中

諸菩薩聲聞。及諸天世人。壽命幾千億萬

劫。無有能知者。彼佛壽命。浩渺無窮。誰能

信知。惟**衣食自然**。大阿彌陀經云。我作佛

佛。知耳。實鉢中百味飲食。化現在前。所欲衣

服。隨念即至。不假裁縫。搆染浣濯。**三十**

**二相**。初門曰。如未現此相。使見者愛敬。知

二。足下千幅輪相。三。手足指長勝餘人。四。

手足柔軟勝餘人。五。手足指合縵網。勝

餘人。六。足跟具足滿好。七。足趺高好。根相

稱。八。如伊尼延鹿王。瑞纖好。尤。立。手摩膝

十。陰藏相如馬。蝗。十一。身縱廣等。十二。一

一毛孔。生青色。柔軟。十三。毛上向。青色。柔

軟。右旋。十四。金色。光。其相微妙。十五。身光

面光。各一丈。十六。皮膚薄細滑。不受塵水

不停蚊蚋。十七。兩足下。兩手兩肩。項中。七

處。滿。十八。兩腋下。滿。十九。身上。如師子。二

十。身端直。二十一。肩圓好。二十二。二十四齒

俱足。二十三。齒白淨。齊密。而根深。二十四。齒

咽中津液。得末中上味。二十七。舌大薄。覆

舌。至髮際。二十八。梵音深遠。如迦陵頻伽

聲。二十九。眼色如金精。三十。眼睫如牛玉

羅綿。三十一。眉間白毛相。如兜。實無女人。彌陀

經云。第二願。我作佛時。我刹中無婦女。又

云。我作佛時。十方無央數世界。有女人聞

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

法苑珠林卷一

我名號喜悅信樂。發菩提心。厭惡女身。壽終之後。其身不復為女。由此觀之。往生者豈復有離於八難佛祖統紀要畧曰。八難女人乎。離於八難佛祖統紀要畧曰。八難慳貪故。墮餓鬼。起愚癡故。墮畜生。起頑嚚故。生北俱盧洲。憍慢故。生在佛前。懶惰故。生在佛後。謗法故。盲聾瘖癡。聞提。故。世智聰明。難慶雖多。八者為最。得三法忍。大阿彌陀經曰。彼刹世人。見道場寶樹。高一千六百由旬。一切眾寶自然合成。華果敷榮。作無量百千殊麗之色。彼刹諸天人世人。見此樹者。得三法忍。一者音響忍。二者柔順忍。得那羅延力。大阿彌陀經三者無生法忍。我刹中菩薩得金剛願。我作佛時。我刹中菩薩得金剛那羅延力。那羅延。此云堅固。

阿彌陀經曰。彼土何故名為極樂。其土眾生無有眾苦。但受諸樂。故名極樂。

生淨土二十四種樂事 見教乘法數

一 欄楯遮防 二 寶網羅空

三 樹蔭通衢 四 七寶浴池

五 八水澄清 六 下見金沙

七 階際光明 八 樓臺凌空

九 四蓮華香 十 黃金為地

法苑珠林卷一

生淨土

四四

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

十一 八音常奏

十二 晝夜雨華

十三 清晨策勵

十四 嚴持妙華

十五 供養他方

十六 經行本國

十七 衆鳥和鳴

十八 六時聞法

十九 存念三寶

二十 無三惡道

廿一 有佛變化

廿二 樹搖羅網

廿三 千國同聲

廿四 聲聞發心

考證 欄楯遮防

鈔云。此土欄楯。一防物損。二示美觀。彼土雖牛羊絕。

牧。玩好無心。而萬行功德。寶網羅空。大阿  
之。所莊嚴。任運成就也。彌陀  
經曰。佛言。阿彌陀佛刹中。有無量寶網。弥  
覆其刹。皆以金銀真珠。百千寶奇妙。珍  
異。莊嚴校飾。周匝四面。垂以寶網。光色晃  
曜。盡極嚴麗。又有自然德風。徐動吹諸寶  
網。及諸寶樹。演發無量微妙法音。流布萬  
種清雅德香。其有聞者。塵勞垢惡。自然不  
生。風觸其身。七寶浴池。言阿彌陀佛刹中。佛  
皆得快樂。  
諸菩薩。聲聞諸上善人。若七寶池中。漂雪  
形體。意欲令水没足。水即没足。欲令至腰。  
水即至腰。欲令至腋。至頸。水亦如是。林灌  
其身。悉如其意。調和冷煖。無不順適。開神  
悅體。滌蕩情慮。清明澄潔。瑩若無形。各出  
浴已。各坐於一蓮華之上。各往進修。有在

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

地有在虛空。謂經誦經說經聽經。各隨其質。而有所得。未得四果者。因得四果。未得不退轉地。菩薩得不退轉。是水不但以八可浴為功。又能利益於既浴之後也。

**水澄清** 鈔云。八功德者。一澄淨。謂澄淨潔。無煩熱故。三甘美。謂甘旨美妙。具至味故。四輕軟。謂輕揚柔軟。可上下。謂安靜。和緩。津潤滑澤。不枯澁故。六安和。謂安靜。和緩。絕迅汎故。七除飢渴。謂增長養育。身飢。有勝力故。八長養。謂增長養育。身心內外。故。間甘美。輕軟。除飢渴。長養。育。無則誠然矣。允水悉皆清冷。潤澤。何彼水以二者。獨稱功德。吞此水。雖亦清冷。逢日則炎。遇火則沸。彼縱劫火。臨之。清冷自如。終不炎沸故。此水雖亦潤澤。日晒則乾。如火。

逼則涸。彼縱劫火。臨之。樓臺凌空。鈔云。樓閣。潤澤自如。終不乾涸故。我作佛時。我樓閣。自地以上。至於虛空。皆有宅宇。宮殿樓閣。悉以無量雜寶。百千種香。而合成嚴飾。奇妙殊勝。超絕。又云。是諸樓閣。有隨意高大。浮於空中。若雲氣者。有不能隨意高。止在地上者。以求道時。德有厚薄。附致。

**四蓮花香** 疏云。大如車輪。言其形也。大小而為限量。由其因地念佛功德。勝劣機感。自致耳。微妙香潔。言其德也。詳見疏鈔。文長不述。是蓮華者。往詣之國。號曰蓮邦。同修之人。號曰蓮社。約禪誦之期。號曰蓮漏。定趨向之極。號曰八音常奏。大阿彌陀經。蓮宗。重其事也。

10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

及諸天人百千音樂以供養佛。清暢嘹喨。微妙明雅。一切音聲所不能及。觀經云。無量諸天作伎樂。又有樂器懸處虛空。如天寶幢。不鼓自鳴。常奏而無間歇者。世樂。頭人有作有輟。天樂。晝夜雨華。鈔云。彼國自鳴。故云常奏也。明不昏。晝夜無辨。唯以華開鳥鳴而為晝。華合鳥棲而為夜也。天華從天而下。樹華隨風四散。華墮地積厚四寸。極日明麗。供芳香無比。及至小萎。自然亂風吹去。養他方。疏云。此言天所雨華。眾生持取。供佛。供畢。返國。猶在食前。以神足故。○華嚴經云。八住菩薩。一剎那頃。遊行無數世界。則今之神足。是易及哉。經行。本國。鈔云。世人食已。非奔走塵務。則增也。

長睡寤。本國飯食。經行解脫。六時聞法。大之風。逍遙之狀。可想見也。彌陀經云。我剎中。隨其志願。所欲聞法。皆自然得聞。樹搖羅網。無量八千由旬。其諸寶樹。妙真珠網。彌覆其上。有七重網。行行相當。葉葉相次。持眾葉間。生諸妙華。華上自然有七寶果。千國同聲。靈芝云。佛說阿彌陀經。六方諸佛同讚。非千國同聲乎。還謹按勝果之說。經舉其綱。傳張其目。所謂指其掌者是也。噫。觀淨土之易。可以知娑婆之難矣。觀淨土之樂。可以知娑婆之難矣。

生土草 四十一

9 10 1 2 3 4 5 6 7 8 9 20 1 2 3 4 5 6 7 8 9 30 1 2 3 4 5 6 7 8

法苑珠林卷之十

苦矣。觀淨土之益，可以知娑婆之損矣。終

淨業者，遊折攝之門，尚不發欣厭之念，亦

獨何哉。

考證娑婆十難

淨土指歸曰：一、不常。值佛。

四、羣魔惱亂。五、輪迴不息。六、難逃惡趣。七、

塵緣障道。八、壽命短促。九、修行退失。十、塵

劫難成。○所謂修行退失者，此土修行，斷

見思惑，方能不退初心。行人未免退墮，多

云、魚子、菴羅華、菩薩物，發心三事，因中故

及其結果少。所謂塵劫難成者，如大通佛

世，聞法之徒，退大執小，經塵點劫。娑婆八

住聲聞地，雖涉長時，未成大道，故娑婆八

苦。佛言：六道輪迴，受苦無量。六道之中，惟

老厭、龍鍾、病受、痛痲、死悲、欲散、愛則、乃合

偏離、寃則、欲逃、偏遇、求則、欲得、偏失、乃合

五陰熾盛、總成、上七、名八、苦、欣、厭、蓮、師、疏

也。其難苦如此，損當何如哉。欣、厭、云、若、據

平等法門，非垢、非淨，則欣、厭、無、地、折、攝、何

施。但今生死，凡夫、迷、心、逐、境、俗、歷、輪、迴、甘

心、忍、受、曾、無、一、念、省、發、求、願、出、離、而、復、遮

其、欣、厭、欲、令、直、悟、自、心、是、猶、田、蛙、井、網、不

與、之、水、而、反、責、中、示、苦、示、樂、苦、以、折、伏、樂

濟、於、是、無、苦、樂、中、示、苦、示、樂、苦、以、折、伏、樂

以、攝、受、折、則、激、其、頑、迷、而、令、久、在、泥、塗、始

揚、其、懈怠、而、俾、生、欣、樂、然後、久、在、泥、塗、始

熾、穢、污、乍、聞、淨、妙、浚、起、願、求、此、大、火、聚、彼

清、涼、池、炎、燒、衆、生、不、得、不、避、此、而、趨、彼、矣。


方便度生。法自應爾。生彼國已。見佛聞法。得無生忍。方悟此心本來平等。淨土指歸曰。欣淨厭穢。取舍未忘。豈聖人以二見之道化人耶。曰。經不云乎。雖知諸佛國。及與衆生空。而常修淨土。教化諸羣生。蓋穢然欣厭。而不見有欣厭之相。斯為得矣。



淨土資糧全集卷之一

終





ノ

世一